

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 73 (1988)

Heft: 29

Artikel: Davart l'oblgaziun da fideivladad digl emploiau : libertad ni repressiun?

Autor: Cadruvi, Donat

DOI: <https://doi.org/10.5169/seals-881692>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Davart l'obligaziun da fideivladad digl emploiau – libertad ni repressiun?*

da Donat Cadruvi

Deplorablamein va ei era buca tier quei tema senza explicar entginas noziuns giuridicas, en nies connex cunzun per la noziun dall'*obligaziun digl emploiau* enviers siu patrun. Partenent quei tema dat ei numerus tractats – cunzun giuridics –, biaras monografias e sentenzias dallas dertgiras. Per motivs da temps stoi jeu renunziar d'entrar el detagl en quella litteratura extendida ed en la pratica dallas dertgiras, schegie ch'ei fuss dètg instructiv dad ir suenter als fastitgs dallas noziuns giuridicas essenzialas ed allas divergenzas ch'ein buca da sutvaletar en las opiniuns giuridicas. Jeu plaidel cheu sco burgheis e politicher che vuless empruar ord omisduas posiziuns dad eruir quei che interessescha nus il pli fetg, numnadamein ina risposta in ton evidenta alla damonda: Ston nos funcziunaris ed emploiai haver l'impressiun – sco ei vegn pretendiu cun caschun en in tun senza dubi fetg polemic – ch'els seigien ual sco emploiai meins libers che scadin auter burgheis, che lur *libertad digl agen mein i* e *lur libertad d'exprimer quel* seigien meins renconuschidas e protegidias en nies uorden giuridic che la medema libertad digl aschinumnau burgheis normal? A mi va ei en in senn human ed en in senn politic-giuridic per quella damonda e per nuot auter. Ed jeu vi era ual dir a Vus pertgei: D'ina vart sa ei buc esser tuttina ad ina regenza, tgei che la publicitat patratga da sia posiziun partenent ils dretgs e duers dils emploiai. Havein nus ina regenza toleranta ni ina strentga? Ed allura less jeu appellar a Vus sco emploiai e funcziunaris dil cantun d'encurir il dialog cun Vos superiurs – era culs cussegliers guvernativs – era sur da quellas damondas. Igl ei impurtont che nus presenteien ils pugns da vesta e che nus scumieien vicendeivlamein ils meinis partenent opiniuns differentas.

* Referat fatgs a caschun dalla radunanza generala dall'Uniu dils emploiai grischuns dils 15 da mars 1985 a Cuera. La translaziun romontscha ei vegnida procurada da prof. Isidor Winzap, cunquei che dr. Cadruvi ha ord motivs da temps buca saviu far sez quei.

L'obligaziun generala da fideivladad dils emploiai vegn renconuschida en la ductrina giuridica ed en la pratica dallas dertgiras da nossa tiara per la pli gronda part sco duer fundamental incontestau dils emploiai ed era fixada aschia en las prescripcions giuridicas (cf. Peter Hänni, Die Treuepflicht im öffentlichen Dienstrecht, S. 33 ff.). Gest aschi incontestada ei denton era l'opiniun che l'obligaziun generala da fideivladad seigi memia vaga en quella fuorma da *clausula generala* e buca senza crutschs en in stat constituzional. Cheu lein nus denton partir dil pugn da vesta che l'obligaziun da fideivladad vegni capida cheu tier nus aschia. Igl emploiau pren en cumpra quella resca cun sia elecziun, e ses superiurs setegnan vid quella noziun, seigi ella lu definida legalmein ni era mo deducida dalla relaziun d'emploiai sco tala. Igl emploiau vegn ad acceptar quella resca e s'accumadar specialmein pervia d'ina garanzia impurtonta che vala era per el: Era igl emploiau stat sut il schurmetg dalla constituziun ed era agl emploiau ei la via al derschader en tuttacass aviarta – concretamein tier la dertgira administrativa cantunala e tier la dertgira federala.

Ual perquei che quella noziun dalla obligaziun da fideivladad generala digl emploiau ei fetg generala, survegn il tractament correct, tolerant e loial dil cass singul entras il derschader ed entras l'autoritatad superiura (regenza) gronda muntada. Nies respect dallas libertads, las qualas mintga carstgaun sa pretender, sto secumprovar el cass singul. Da quei dependa tut – da l'auter maun da tuttas teorias.

Tgei spetga il stat ussa praticamein da ses emploiai e funcziunaris? Jeu citeschel per simplificar ina prescripciu significativa, per nossas relaziuns directamein tipica ord il dretg da funcziunaris dalla confederaziun (art. 21 dalla lescha davart ils funcziunaris) d'ina presentaziun remarcable da derschader federal O.K. Kaufmann:

«Grundzüge des schweizerischen Beamtenrechts», en Zentralblatt, tom 73, annada 1972, p. 387, numnadamein:

1. Duer da prestar survetsch
2. Mantener ils interess dalla Confederaziun
3. Scamond da camar
4. Sedeputar en survetsch ed ordeifer quel
5. Exequir ils camonds en survetsch
6. Scamond d'acceptar schenghetgs
7. Discreziun professiunala
8. Obligaziun da perdetga

Da quei catalog san ins deducir fetg numerus fatgs, tenor ils quals nus s'orientein e savein s'imaginar tgei che savess tut capitar, p.ex. el rom dalla noziun fetg largia «mantener ils interess dalla Confederaziun» (ni dallas vischnauncas u dils cantuns), exequir ils camonds en survetsch, discrepanzjiun professiunala etc. Quei tut ei applicau al fetg grond diember d'emploiai en las vischnauncas, els cantuns, ella Confederaziun ed autres gruppaziuns dil dretg public ed applicau allas activitads ordvart diversas ed impurtontas digl immens diember da funcziunaris. La realitat giuridica muossa lu era cuntuadamein ch'ei sto vegrir discutau fetg savens davart la dimensiun dalla obligaziun da fideivladad digl emploiau, sch'ins vul satisfar el cass singul alla caussa e surtut allas persunas participadas. Alla fin duess gie mintga decisiun esser *gesta* ed esser resentida sco gesta.

Mo ussa ad ina damonda principala: Pertgei ei igl uorden giuridic ual vegnius concepius aschia, pertgei pretendan ins digl emploiau ch'el adempleschi strictamein quella obligaziun generala da fideivladad? Dalla risposta a quella damonda sto seresultar tgei che po en sesez legitimar ils duers specifics digl emploiau e pertgei ch'igl emploiau sto prender en cumpra en sias libertads certas excepziuns e restricziuns ch'au-ters burghéis ston buc, malgrad siu dretg al schurmetg constituzional.

Ei va en emprema lingia per *ils interess dil cuminesser*, en il survetsch dil qual igl emploiau vul esser activs. Quei cuminesser agescha entras persunas e vegr manteniusr entras persunas. El exercitescha sias funcziuns entras carstgauns. Quei ei ussa buca mo las autoritads sco las regenzas ni ils parlaments ni las dertgiras che ston procurar pil dretg, applicar il dretg e penetrar cul dretg sco quei ch'igl ei lur duer legal. Tut quellas activitads vegrnan preparadas u entras emploiai ni exequidas en incumbensa dallas autoritads cumpetentas. En in'uisa ni l'autra sto il cuminesser denton quintar che quellas activitads vegrnien era exequidas dils emploiai conform al duer correctamein, loialmein, en moda incorrupta e tenor las ordras. Ins astga confessar ruasseivlamein e senza turpetg ord la vesta dalla regenza: Igl ei insumma buca pusseivel da reger senza quella cooperaziun irreproschabla e conforma al duer dils emploiai. Sche quella construcziun constat – ed jeu stun persunalmein davos ella, ed jeu sai, da tgei che jeu tschontschel –, lu eis ei era exprimiu claramein, pertgei che nus stuein da principi insistir ch'ils emploiai adempleschien lur duer da fideivladad, ual egl interess dil cuminesser, al qual nus vein da survir. Aschia ei era lezza construcziun en la doctrina da capir, che retegn che las leschas davart ils funcziunaris hagien da survir ad ina execuziun effectiva dalla lescha egl interess dils pertuccai e

dalla generalitat (cf. Hänni, loc. cit. p. 49). In'administraziun publica sa luvrar mo sche mintga emploiau participau ademplescha cumpleinamen
mein ses duers – adina secund sias capacitads ed ils pensums ch'ein vegni adossai ad el cun sia elecziun. Ed adina egl interess dils pertuccai e dalla generalitat. Pertuccaus sa in burgheis esser, casualmein igl emploiau sez, p.ex. sco pagataglia, schuldau, sco proprietari, sco utilisader da caussas publicas. Ed era per cass avon il derschader neutral. Nus vesein pia che tut quei ei decretau e ch'igl uorden ha en tut siu bien senn per la communitad e per ses individis – denton per els tuts.

Pertgei vegn quella obligaziun da fideivladad denton aunc accentuada vinavon aschi claramein? Igl emploiau ha en in senn positiv sco negativ ina posiziun speciala en nies stat. Sch'ins pretenda dall'administraziun minuziusamein e quasi a moda stretga integritad, manegian ins l'integritad dils emploiai che lavuran en quell'administraziun. Sch'in emploiau disdescha, quei ei era enconuschent avunda a nus dil mintgadi politic, vegn quella munconza generalisada e messa a dies all'entira administraziun. Aschia patratga il confederau e Grischun da sia administraziun, ed aschi grondas ein sias spetgas en ils emploiai.

Jeu less aunc aschuntar cheu ina ga per atgna experienza e perschui
siun ch'ins sa era deducir da quellas otras aspectativas e pretensiuns enviers ils emploiai bia respect e luschezia enviers nossa administraziun che funcziunescha en general irreproschablamein. En Svizra ed el cantun Grischun, era en nos marcaus ed en nossas vischnauncas, funcziunescha l'administraziun en general fetg bein. Ei dat relativamein paucas differenzas, paucas fricziuns, paucs «cass». Era quei less jeu retener inaga ufficialmein e dil tuttafatg persunalmein.

III

Quei che pudess interessar Vus specialmein ei forsa la damonda, sch'igl emploiau – ed eventualmein en tgei rom – astgi criticar publicamein ses superiurs, il stat en general ed astgi far enconuschent sias atgnas opiniuns politicas e dil tut persunalas. Leutier citeschel jeu aunc ina ga il derschader federal nunsuspectus Kaufmann (p. 389 ss.) che diludeschha il suandont el capitel «Libertad d'opiniun e libertad da pressa»:

«Igl emploiau svizzer ha en principi il dretg da s'exprimer criticamein enviers las situaziuns ell'atgna tiara, aschilunsch ch'el sebasa buca sin observaziuns arisguard las qualas el ha da salvar la discrezio
digl uffeci. Ei fuss nunpusseivel d'acceptar che tutta critica enviers il

stat e ses ufficials el senn d'art. 22 BtG (Ldf = lescha davart ils funcziunaris) 'restrenschli ils interess dalla Confederaziun' ed astgi buca sefar. Specialmein ei igl emploiai obligaus alla fideivladad mo al stat e buc a ses superiurs. El sto perquei saver far part dalla discussiun politica ed el astga era trer en dubi cun arguments reals la legitimitad, specialmein la vart constituziunala d'ina decisiun dall'autoritat; mo pretenda sia posiziun speciala ch'el presenti sia critica cul tact duiu agl art. 24 al. 2 Ldf.

Ina restricziun dalla libertad d'opiniun sedat denton, sche la critica enviers decisiuns ni tralaschadas sereferescha agl agen camp d'activitad digl emploiau, nua che la critica seunescha pia necessariamein cun la critica enviers l'activitad da ses superiurs directs ni indirects. Cheu ston ins observar en principi che il duer dalla discreziun d'uffeci ha la preferenza enviers il dretg da separticipar dalla discussiun e hurscha politica. Quei che sesanfla aunc el studi dalla deliberaziun administrativa interna astga buca vegrir tratg ella publicitat d'in emploiau, per – sco ei para – prevegnir ad ina decisiun fallida el ravugl dall'administraziun. Senza lubentscha expressiva astgan ins prender contact cun tiarzas personas pér cura ch'in project – in project da lescha ni ina mesira administrativa – ei communicada publicamein. Era lu pretendan la 'relaziun speciala dall'autoritat' e la discreziun digl uffeci ina certa reserva; cunzun en la fuorma dalla critica. Savens vala: 'C'est le ton qui fait la musique.' Igl emploiau sfruttescha adina puspei en sia critica enconuschiantschas dallas qualas el ei s'approriaus en sia posiziun ufficiala. Nuotatonmeins sa ei corrispunder sut circumstanzias all'obligaziun da fideivladad enviers la Confederaziun, sch'in emploiau experimentau fa attents in parlamentari en moda objectiva a fleivlezias dil project dalla regenza. Perencunter camonda la fideivladad eventualmein ch'in emploiau cumpetent s'opponi buc publicamein duront la campagna da votaziun al project da lescha dalla regenza e dil parlament. Ils cass che han dau caschun a discussiuns en quei risguard ein denton rars ed ei fuss ordwart difficil en quellas damondas da cunfinar en moda abstracta normativa l'obligaziun da fideivladad e la libertad dall'opiniun.'

Quei ei per aschidadir l'opiniun giuridica ponderada ed anflada partenant quei problem delicat, la quala ei era da defender cheu. Da mia activitad da sis onns en la regenza ein mo fetg paucs tochen negins cass enconuschiants, els quals l'aschinumnada politica vess giugau ina rolla essenziala. Savens vegnan detagls denton instradai politicamein d'ano-viars, essend ch'ins sa criticar per experienza bia meglier, «pli per-

schuantamein» e massivamein ina regenza en la publicitat. Ni tgei munta quei, sche jeu sai leger en ina gasetta quotidiana il passus suandont, screts dil reminent d'in scolast che apprezziescha la discussiun:

«Igl ei negin misteri pli: emploiai cantunals astgan buca dir lur opiniu en la publicitat, sche quella cunterdi a quella dalla regenza.»

E quella sentenzia pauschala vegn francada cun la remarca ch'ei se-tracti cheu dall'applicaziun d'in «principi da loialitat dubius». Pia: Igl ei negin misteri pli che nossa regenza supprima la libra tschontscha, sch'ei cunvegn buc ad ella. Jeu less supplicar il signur, che ha mess quei per scret, da cumprovar quella pretensiun buca ual fetg mudesta sin fundament da biars exempels. Jeu mettess pag miu tgau ch'el fuss buca el cass da numnar era mo in sulet cass che vess forza da mussament. Sch'ei dess denton era mo in sulet cass semegliont, stuess ins envidar la publicitat da criticar en moda commensurada la regenza. Ei resta denton mo ina pretensiun pauschala. Dieus seigi ludaus dat ei tier nus nuot tochen pauc che pudess consolidar las sentenzias partenent la repres-siun el Grischun. Jeu ditgel: Dieus seigi ludaus.

In auter cass: En ina interpellaziun a scret inoltrada el Cussegli grond dil fevrer 1983 ei vegniu declarau che dus emploiai cantunals hagien sur-veggiu ina reprimanda da lur caus dil departament, essend ch'els sei-gien s'engaschai da lezzas uras en lur temps liber en in comite da vota-ziun «Acziun per in Grischun senza giugs olimpics». In da quels emploiai ei miu collaboratur X. Jeu vi buca raquintar siu cass, perquei ch'jeu vio-lass da mia vart l'obligaziun da tener tschelau il secret professiunal, sco el ha fatg ei, cura ch'el ha informau tiarzas persunas d'ina discussiun uf-ficiala cun mei. El ha fatg quei dil reminent – sco era la collaboraziun el comite menziunau che sedrizzava senza dubi encunter claras decisiuns dalla regenza – senza scadin disavantatg, senza lavatgau e senza sanc-zions. *Quei* ei la verdad. La caussa cul lavatgau ei semussada dil tutta-fatg sco ina invenziun fatga per miras politicas.

Ni tgei ei schabegiau cul selvicultur circuital che ha declarau a mi du-ront gentar davos meisa ch'el seigi «lu» encunter il plaz da recuver a Roten. Igl ei schabegiau nuot dil tut. El ha palesau sia opiniu el dretg liug ed en moda commensurada ed el ha buca el senn da cumbatter las deci-siuns dalla regenza en la publicitat en moda nuncunvegnenta.

Ni tgei ei schabegiau cun gliez auter collaboratur en miu departament che ha detg senza scrupels a caschun d'ina manifestaziun politica d'in plan tecnic, dil qual il departament e la regenza vegnan aunc a stuer s'occupar, quei seigi «la catastrofa programmada»? Nuot ei schabegiau, nuot dil tut. Jeu hai mo detg ad el inaga suenter la serrada da biro avon

la posta ch'ei füssi meglier, sch'ins pregiudicassi buca la regenza cheu-tras, ch'ins proclamass sia decisiun pusseivla – numnadamein l'appro-baziun da quei project – cun aulta vusch sco catastrofa programmada. Schglioc ei numnadamein schabegiau nuot dil tut.

Quei ei mo entgins exempels da miu camp d'uffeci, exempels che sa-vessen vegnir cumpletai e cun ils quals jeu vuless mo cumprovar ch'ei vegn sesprau tier nus da conceder als collaboraturs era en quella di-recziun bia libertad persunala e da differenziar claramein denter cass levs e grevs. Buca tuttas discussiuns culs emploiai pertuccai meinan denton – sco quei che jeu hai enderschiu – alla finamira. E tuttina ston ins igl emprem ed adina empruar da dilucidar il pugn da vesta dalla autori-tad el discours persunal. Era nus commembers dalla regenza havein d'ademplir nossa obligaziun da fideivladad e nossa loialitat enviers l'autoritad collectiva, era lu, sche nus vein insumma buc approbau singu-las decisiuns. Nus stuein s'endisar sco carstgauns ch'ei vegn era mai a dar aschinumnadas situaziuns idealas en nossa professiun, emporta pauc, tgei incarica che nus vein ual.

IV

Per finir eis ei aunc da perder in pèr paucs plaids partenent in auter capitel impurtont, e quei era pervia dil fatg ch'ei ha dau caschun tochen dacuort era tier nus per da tuttas sorts interpretaziuns e malentelgien-tschas. Jeu manegel *l'obligaziun dil secret professiunal* dils funcziunaris cantunals, che ein obligai alla discreziun pertuccont las fatschentas uffi-cialas, tenor art. 19 dalla ordinaziun davart il persunal. Quella obligaziun cuoza era suenter haver finiu il survetsch. Ella vala dil reminent buca mo per ils emploiai, mobein era per ils commembers dalla regenza, dalla cumissiun da gestiun e d'auters organs e cumissiuns ch'ein activs per il maun public. Ual perquei che talas prescripziuns vegnan applicadas dalla regenza, sco sch'ei füss in stupent mied dalla regenza per zuppen-tar sia pussonza e per aschidadir agir davos il dies dil pievel arbitra-ra-mein ed encunter la libertad, less jeu empruar d'explicar pertgei ch'ins sto prender serius quella obligaziun dil secret professiunal.

D'ina vart vala en nossa tiara il principi che l'administraziun ei buca publica. Vid quei eis ei da setener egl interess dil stat, d'ina administra-zion che funcziunescha en uorden e dallas persunas, per las qualas ei va el cass singul, naturalmein buc el senn d'in discusergnem da caussas che san e duein buca vegnir tenidas tscheladas da lur natira enneu. Il senn pli profund dil tener tschelau ei quel che la publicitad duei e sto buc

saver co l'administraziun fa certas proceduras e co ei vegn decidiu pertuccunt las relaziuns giuridicas, dallas qualas era privats ein participai. Ei va pia en in cert senn, daveras fetg general, era per il schurmetg dalla personalitat. El cass dil seminari scolastic ei la regenza sereferida a sia obligaziun da tener il secret professiunal per buca stuer far enconuscent alla publicitad, pertgei ch'ella hagi priu sancziuns enviers in scolast. Quei ei allura vegniu interpretau ella pressa sco cumprova che la regenza hagi ina schliata cunscienzia e ch'ella zuppenti ina decisiu fallida, inadequata encunter in emploiau, essend che quella decisiu seigi greva da motivar. Jeu entrel buca en quei cass per ils medems motivs dil tener discus, schegie ch'el havess en sesez e priu mo per sesez buca stuiu vegnir tenius tschelaus per buca cumprometter igl emploiau. Ins denton buca differenziar denter emploiai, dils quals ins duei buca tschintschchar ella publicitad, e denter emploiai, dils quals ins astga plidar ruasseivlamein era en connex cun ina procedura disciplinara.

Igl emploiau sez ha pia in interess che ina caussa privata vegni tenida tschelada. Cheu dat ei secapescha era excepcions, sco p.ex. concernent situaziuns che vegnan intercurridas publicamein. La publicitad ha in interess legitim ch'ellas vegnien publicadas. La regenza ha p.ex. era schau referir avon entgins onns el Cussegl grond da persunas che fuvan engaschadas tiegl uffeci da construcziuns e sur dils quals era gia sefatga ina gronda publicitad. Savens san informaziuns fallidas vegnir rectificadas, sch'ins dat publicamein sclarament partenent ils fatgs e las persunas. Era cheu ha ei num pesar cun quitau ils interess dils emploiai ni da tiarzas persunas ch'ein participai d'ina procedura.

Il davos temps eis ei capitau savens che emploiai ein s'exprimi publicamein partenent activitads da certs uffecis, aschia p.ex. pertuccont la damonda, sch'ins dueigi baghegiar ina punt da lenn a La Punt ni buc. Cheu va ei buca per ademplir ni violar l'obligaziun da tener tschelau, mobein pil fatg, sch'igl ei opportun ch'ils emploiai da differents uffecis criticheschan l'in l'auter e pil pli en damondas ch'ein insumma aunc buca decididas. Cheu setschenta mo la damonda dalla opportunitad da talas intervenziuns e dil gust. Jeu menziuneschel quei aspect mo perquei ch'ei dat era caussas ch'ins duess tralaschar, nua ch'ei dat denton neginas sancziuns encunter persunas che ageschan en moda fallida.

passar in diversas circunstancies, e vinti a suu viau **político**
dans le surtien des citoyens de toutes couleurs la force instrumentale, comme

Recapitulond e sco opiniun persunala dil plidader less jeu pia retener ch'igl emploiau dueigi prender serius cun sia obligaziun da fideivladad enviers il patrun, essend ch'ei va per caussas impurtontas, che las liberauds digl emploiau dueigien denton buca vegrir restrenschidas senza basegns. Insumma duei reger egl interess da tuts *in clima da libertad* en l'administraziun publica. Quellas libertads duein ed astgan buca vegrir surduvradas, ni dils superiurs ni dils emploiai.

Jeu sperel e partel dil pugn da vesta che quei spért da libertad existi tier nus e vegrir era promovius da surengiu. En quella cardientscha refusel jeu denton tuttas tendenzas che emprovan senza bunas raschuns da derasar l'opiniun ch'ei regi forsa tier nossa regenza in spért da antilibertad e da repression. Fuss quei dapli che mo tschontschas ed agitaziun politica encunter ina regenza ed encunter in sistem politic, stuess la publicitat per franc vegrir alarmada culs mieds adattai.

Ei fuss schliet, sche gliez fuss ver, quei ch'in professer e cusseglier naziunal ha scret dacuort: Ina opiniun sincera seigi buca cumpatibla cun las schanzas professiunalas tenor sias experienzas ed ei retracti pia da viver sin «rodaias dublas». Nus havein era tutta raschun en la relaziun d'emploiai d'haver quita da quella libertad d'opiniun e da far valer siu meini.

Le Cameroun est un pays à forte tradition orale. Les contes et légendes sont nombreux et variés. Ils sont transmis d'une génération à l'autre par les anciens et les enfants. Ces histoires racontent souvent des aventures extraordinaires, des luttes contre les forces du mal et des enseignements moraux. Elles sont également utilisées pour enseigner les valeurs familiales et communautaires.

Le Cameroun est un pays à forte tradition orale. Les contes et légendes sont nombreux et variés. Ils sont transmis d'une génération à l'autre par les anciens et les enfants. Ces histoires racontent souvent des aventures extraordinaires, des luttes contre les forces du mal et des enseignements moraux. Elles sont également utilisées pour enseigner les valeurs familiales et communautaires.

Le Cameroun est un pays à forte tradition orale. Les contes et légendes sont nombreux et variés. Ils sont transmis d'une génération à l'autre par les anciens et les enfants. Ces histoires racontent souvent des aventures extraordinaires, des luttes contre les forces du mal et des enseignements moraux. Elles sont également utilisées pour enseigner les valeurs familiales et communautaires.

Le Cameroun est un pays à forte tradition orale. Les contes et légendes sont nombreux et variés. Ils sont transmis d'une génération à l'autre par les anciens et les enfants. Ces histoires racontent souvent des aventures extraordinaires, des luttes contre les forces du mal et des enseignements moraux. Elles sont également utilisées pour enseigner les valeurs familiales et communautaires.